



### ბ რ ძ ა ნ ე ბ ა

**შეზღუდული შესაძლებლობების მქონე პირთა უფლებების დაცვის შესახებ სსიპ რელიგიის საკითხთა სახელმწიფო სააგენტოს სამოქმედო გეგმის (2022 წლისათვის) დამტკიცების თაობაზე**

„შეზღუდული შესაძლებლობის მქონე პირთა უფლებების შესახებ“ საქართველოს კანონის 37-ე მუხლის, მესამე პუნქტის და „საჯარო სამართლის იურიდიული პირის-რელიგიის საკითხთა სახელმწიფო სააგენტოს დებულების დამტკიცების შესახებ“ საქართველოს მთავრობის 2014 წლის 19 თებერვლის N177 დადგენილებით დამტკიცებული დებულების მესამე მუხლის მეორე პუნქტის „კ“ ქვეპუნქტის საფუძველზე

### ვ ბ რ ძ ა ნ ე ბ

1. დამტკიცდეს შეზღუდული შესაძლებლობების მქონე პირთა უფლებების დაცვის შესახებ სსიპ რელიგიის საკითხთა სახელმწიფო სააგენტოს სამოქმედო გეგმა 2022 წლისათვის, თანდართული დანართის შესაბამისად.
2. ბრძანება ძალაშია ხელმოწერის დღიდან.

ზაზა ვაშაყმაძე

8.

თავმჯდომარე





რელიგიის საკითხთა  
სახელმწიფო სააგენტო

სსიპ რელიგიის საკითხთა სახელმწიფო სააგენტო

LEPL STATE AGENCY FOR RELIGIOUS ISSUES

შეზღუდული შესაძლებლობების მქონე პირთა უფლებების დაცვის  
სამოქმედო გეგმა 2022 წლისათვის

2022

## Contents

<a href="#">შესავალი</a> .....	2
<a href="#">საერთაშორისო ჩარჩო დოკუმენტები და ეროვნული საკანონმდებლო ბაზა</a> .....	2
<a href="#">სსიპ რელიგიის საკითხთა სახელმწიფო სააგენტოს ხედვა</a> .....	3
<a href="#">სამოქმედო გეგმა</a> .....	4
<a href="#">მონიტორინგი და ანგარიშგება</a> .....	4

## შესავალი

წინამდებარე დოკუმენტი წარმოადგენს სსიპ რელიგიის საკითხთა სახელმწიფო სააგენტოს შეზღუდული შესაძლებლობის მქონე (შშმ) პირთა უფლებების დაცვის ხელშეწყობის სამოქმედო გეგმას 2022 წლისთვის.

დოკუმენტის მიზანია „შეზღუდული შესაძლებლობების მქონე პირთა უფლებების შესახებ“ გაერო-ს კონვენციის და „შეზღუდული შესაძლებლობის მქონე პირთა უფლებების შესახებ“ საქართველოს კანონის პრინციპებზე დაყრდნობით, გამოკვეთოს ის პრიორიტეტული მიმართულებები და ღონისძიებები, რომელიც 2022 წლის განმავლობაში უნდა განხორციელდეს. აღნიშნული, თავის მხრივ, ხელს შეუწყობს შშმ პირთა უფლებების დაცვას და ინკლუზიური ტოლერანტული გარემოს შექმნას.

დოკუმენტის შემუშავების პროცესში მონაწილეობდნენ სსიპ რელიგიისა საკითხთა სახელმწიფო სააგენტოს შიდა სტრუქტურული ერთეულები, კერძოდ, სტრატეგიული კვლევის, ანალიზისა და რეგიონების და სამართლებრივი უზრუნველყოფის სამსახურები. უწყებათაშორისი კოორდინაციის ფარგლებში, დოკუმენტი დამუშავდა საქართველოს მთავრობის ადმინისტრაციასთან თანამშრომლობით. პრინციპის „არაფერი ჩვენს შესახებ ჩვენს გარეშე“ აღსრულების მიზნით, აღნიშნული სამოქმედო გეგმა წარედგინება შშმ პირთა წარმომადგენლობით ორგანიზაციებს, არასამთავრობო ორგანიზაციებს და შშმ თემის წარმომადგენლებს, აგრეთვე უზურველყოფილი შშმ პირთა აქტიური მონაწილეობა შემდგომი სამოქმედო გეგმების შესამუშავებისას.

## საერთაშორისო ჩარჩო დოკუმენტები და ეროვნული საკანონმდებლო ბაზა

სამოქმედო გეგმა ერთის მხრივ, ეყრდნობა ისეთ საერთაშორისო ჩარჩო დოკუმენტს, როგორიცაა გაეროს კონვენცია „შეზღუდული შესაძლებლობების მქონე პირთა უფლებების შესახებ“, ხოლო მეორეს მხრივ, ეროვნულ კანონმდებლობას, როგორიცაა საქართველოს კონსტიტუცია და საქართველოს კანონი „შეზღუდული შესაძლებლობის მქონე პირთა უფლებების შესახებ“.

საქართველოს კონსტიტუციის მუხლი 11 (თანასწორობის უფლება) ითვალისწინებს კონკრეტულ ვალდებულებას სახელმწიფოს მიმართ შშმ პირთა უფლებების დაცვის გაუმჯობესების მიზნით. კერძოდ, „სახელმწიფო ქმნის განსაკუთრებულ პირობებს შეზღუდული შესაძლებლობის მქონე პირთა უფლებებისა და ინტერესების რეალიზებისათვის.“

2014 წელს საქართველომ „შეზღუდული შესაძლებლობების მქონე პირთა უფლებების შესახებ“ გაერთიანებული ერების ორგანიზაციის კონვენციის<sup>1</sup> (UN CRPD) რატიფიკაცია განახორციელა, რითიც ქვეყანამ აღიარა შეზღუდული შესაძლებლობის მქონე პირთა დაცვის საერთაშორისო სტანდარტები და აიღო რიგი ვალდებულებები ეროვნულ და საერთაშორისო დონეზე. კერძოდ, კონვენცია წევრ სახელმწიფოებს აკისრებს ვალდებულებას ხელი შეუწყონ და უზრუნველყონ შეზღუდული შესაძლებლობის მქონე

---

<sup>1</sup> The United Nations Convention on the Rights of Persons with Disabilities

პირთა უფლებების დაცვა, როგორც საკანონმდებლო და ინსტიტუციური მექანიზმების დანერგვისა და გაძლიერების გზით, ისე შესაბამისი ადმინისტრაციული ღონისძიებების გატარებითა და შეზღუდული შესაძლებლობის მქონე პირთა უფლებების დამრღვევი პრაქტიკის ცვლილებით.

გაეროს „შეზღუდული შესაძლებლობების მქონე პირთა უფლებების შესახებ“ კონვენციით ნაკისრი ვალდებულებებისა და პრინციპების ეროვნულ კანონმდებლობაში უკეთ ასახვის მიზნით, 2020 წელს საქართველოს პარლამენტმა მიიღო ახალი კანონი „შეზღუდული შესაძლებლობის მქონე პირთა უფლებების შესახებ“. კანონი მნიშვნელოვნად აუმჯობესებს შშმ პირთა უფლებრივ გარანტიებს ეროვნულ დონეზე და მიზნად ისახავს შშმ პირთა უფლებებისა და თავისუფლების დასაცავად საკანონმდებლო გარანტიების შექმნას. აღნიშნული მიზნის მისაღწევად, კანონი ითვალისწინებს რიგ ვალდებულებებს სახელმწიფო უწყებებთან, მათ შორის ადმინისტრაციული ორგანოების ვალდებულებას შეიმუშაონ შეზღუდული შესაძლებლობების მქონე პირთა უფლებების დაცვის სამოქმედო გეგმები.

## სსიპ რელიგიის საკითხთა სახელმწიფო სააგენტოს ხედვა

განვითარებული დასავლური სახელმწიფოების გამოცდილებათა გაზიარებით, ხელი შეუწყოს შეზღუდული შესაძლებლობის მქონე პირთათვის დისკრიმინაციის გარეშე და სხვებთან თანაბარ პირობებში რელიგიის თავისუფლებისა და რელიგიური შემწყნარებლობის, როგორც ფუნდამენტური ღირებულების აღიარების დამკვიდრებასა და პატივისცემას და რელიგიის სფეროში მათი სრულყოფილი მონაწილეობის ხელმისაწვდომობის ძირითად პრინციპებსა და მექანიზმებს.

აღნიშნული ხედვის განსახორციელებლად, „შეზღუდული შესაძლებლობების მქონე პირთა უფლებების შესახებ“ გაერო-ს კონვენციის და „შეზღუდული შესაძლებლობის მქონე პირთა უფლებების შესახებ“ საქართველოს კანონით დაკისრებულ ვალდებულებათა შესასრულებლად, სსიპ რელიგიის საკითხთა სახელმწიფო სააგენტო შეიმუშავებს შეზღუდული შესაძლებლობის მქონე პირთა უფლებების დაცვის სამოქმედო გეგმას 2022 წლისთვის.

## სამოქმედო გეგმა

იხილეთ დანართი N1 „სსიპ რელიგიის საკითხთა სახელმწიფო სააგენტოს შეზღუდული შესაძლებლობების მქონე პირთა უფლებების დაცვის სამოქმედო გეგმა 2022 წლისათვის

## მონიტორინგი და ანგარიშგება

სსიპ რელიგიის საკითხთა სახელმწიფო სააგენტო უზრუნველყოფს ყოველწლიური ანგარიშის მომზადებას სამოქმედო გეგმით გათვალისწინებული ღონისძიებების შესრულების შესახებ.

„შეზღუდული შესაძლებლობის მქონე პირთა უფლებების შესახებ“ საქართველოს კანონის აღსრულების ფარგლებში, საქართველოს პარლამენტი ზედამხედველობას გაუწევს კანონით გაწერილი ვალდებულებების შესრულებას.

აღნიშნული სამოქმედო გეგმის აღსრულების შესახებ ინფორმაცია აისახება საქართველოს მთავრობის ყოველწლიურ ანგარიშში ადამიანის უფლებების დაცვის შესახებ, რომელსაც საქართველოს მთავრობა, ადამიანის უფლებათა უწყებათშორისი საბჭოს გავლით, წარუდგენს საქართველოს პარლამენტს.

შეზღუდული შესაძლებლობების მქონე პირთა უფლებების დაცვის სამოქმედო გეგმა 2022 წლისათვის

მიზანი 1.	შეზღუდული შესაძლებლობების მქონე პირთა უფლებების დაცვა		
ამოცანა 1.1.	რელიგიის სფეროში მოღვაწე პირების ცნობიერების ამაღლება შშმ პირების უფლებების შესახებ		
აქტივობა 1.1.1.	საქართველოში მოღვაწე რელიგიური ორგანიზაციების წარმომადგენელთათვის და რელიგიის საკითხთა სახელმწიფო სააგენტოს თანამშრომლებისათვის ტრენინგის ჩატარება შშმ პირთა უფლებების შესახებ		
	შედეგის ინდიკატორი: შესაბამისი ტრენინგების ჩატარება	დაფინანსების წყარო	
		ადმინისტრაციული რესურსი	პარტნიორი ორგანიზაცია
			დეფიციტი
	პასუხისმგებელი უწყება: სსიპ რელიგიის საკითხთა სახელმწიფო სააგენტო		
	პარტნიორი უწყება: რელიგიის საკითხთა სახელმწიფო სააგენტოსთან არსებული ინტერ-რელიგიური სათათბირო, საქართველოს მთავრობის ადამიანის უფლებათა სამდივნო.		
ამოცანა 1.2.	შშმ პირთა ხელმისაწვდომობის გაზრდა რელიგიის საკითხთა სახელმწიფო სააგენტოს პროდუქტებზე		
აქტივობა 1.2.1.	რელიგიის საკითხთა სახელმწიფო სააგენტოს რიგი ყოველწლიური პროექტების (ინტერრელიგიური კალენდარი, რელიგიური წიგნები) შშმ პირებისათვის ადაპტირებული (ბრაილის შრიფტით) გამოცემა		
	შედეგის ინდიკატორი: 1. 2022 წლის ინტერრელიგიური კალენდრის ბრაილის შრიფტით გამოცემა; 2. ბიბლიის მესამე კანონიკური წიგნის: „წიგნი ლევიტელთა“ ბრაილის შრიფტით გამოცემა.	დაფინანსების წყარო	
		ადმინისტრაციული რესურსი	პარტნიორი ორგანიზაცია
			დეფიციტი
	პასუხისმგებელი უწყება: სსიპ რელიგიის საკითხთა სახელმწიფო სააგენტო		
	პარტნიორი უწყება:		

